


# KOTAVUSA VIRDA

KOTAVUSA VIRDA VESTASA VA TAMAVA IS ARAYEEM MU AYIKEEM

Alubeaksat ke 2024  
19<sup>e</sup> otuk

Kotava, tela tamefa golerava  
Va ina kosmac !!

Blira sareon  
gu Viking sane







# Blira sareon gu Viking sane



## Blira sareon gu Viking sane...

---

1. *Ambik ke Viking sane*
2. *Rozara ke aala*
3. *Taneaf birameld*
4. *Vegedura va menuk*
5. *Mona : xo lize blira tir kiewafa*
6. *Robeem ke bira*
7. *Glotcasik is moava nyofasik is gretcasik*
8. *Edava, lentekafa kildera*
9. *Forteytiki*
10. *Ayikya va blira artazukar*
11. *Puve ke vefara is jora*
12. *Pereaviel : « viel ke tcaterapa »*
13. *Malyerot : arienta ke kottan*
14. *Ta bocafa koyara ko lorikafa tamava*
15. *Apkasik is olgalicusik*
16. *Crakef gejik*
17. *Blira koe virutsa*
18. *Kazaf moltap*
19. *Olgalicura va Talteka*
20. *Vawa van Roneka*
21. *Waltadavafa kaza*
22. *Levi warzaf firday*
23. *Vunda is lorik*





## Ambik ke Viking sane

Moni saneafa voldecemda weti decemoya decemda abdi gubef firday, vafa oprafa bada besasa va lenteka ke Europa vion toz dimenir. Lidawicka tuzakodawer isen dimeniso opraxo va warzaf siday tunuyad : i va taneon mazdafo baspexo kum tij is berdava az va cirdataxo ik diekaxo dem amuzafa uzda isu sperelaxo. Tamava ke Skandaf saneem rovanblir.

Taneaf ambik va lentefa Germana is Danmarka mallanid, i va gola ixam tunuyayana gu opra is lava. Bat tcabanesik ke Raporugal va lamara ke datafa milkava dem bedakol is cpogol radimelanid, i va milkava vion malplatina mal geeka kal lenteka ke Europa. Aldo ke bat gijaf govitol rotir vas 700 kg- isen ayik va kot inaf tor isu uga malsaver : atela is lelt is barma ta sinka is vage is imizxa.

Bata liziwera van lenteka keno taltefa krimta ke Norga taneon tuidulayana kal domega ke Arktika welfa adre doimpad lizu van vanblisa Balta bira di gelanid. Kene lavok, tcabanesik keve pistokap va cpogol is bedakol gretcad. Bat raporaf gretcaks va conyuta ke taneaf skandaf saneik is sinafo irubaxo isu kruldera batkane vided.

Pokeuca ke bira is tigira ke jontika ewala jupad da di vanpid tosasik is onasik is tredusik va kuldooy. Nustuca ke lidawicka is figafe lae va bat taneaf lentef ayik asketcad ise jupad da in va robeem ke siday is lavok is lavada bas tuwava ware ketafa grurasolimpar.

Ambik ke Viking saneik tiyid abic is mialon lamasaf aze va izva tixolon di kofid.

Taneaf ambik ke skandafe sane va bedakoltum laited. Tan govitol zo sostar aze zdokanon zo tuyalestar. Tcabanesik va sulemafa almaxa keve alto ta nendara gu fent is suka diskid.





Bat tcabanesik va pemaxo kene welfa ksead : i va broca kum almaxa belcon asadayana az impayana kev bagaf vemiz kum inta az gluyedayana bene otseem. Vemoe domega moe taneafa krimpa, bocafo opraxo levrumkawed. Nuyafu remlanixo tir vwepafo numen liziwera moo bira loviele tir loon delvejafa, kan tandrimafa guema.

Wenza ke Skanda tid kabaykirapafa nume va gestusa tukotrara tiskad. Tcabanesa imizxa isu onasa loviele tid milafa. Batdume ayik ke ban ugal va bana gu bata goated. Ta gralomera va termil, kaba ton kando zo malsaver.

Cpogol tir wivgapa ke lentefa aala ise ko Skanda ten lamar. Tcabanesik ke Raporugal va inyona liziwera boraboron radimelanid kiren bat sulem tir tan dalaf vieleaf tor. Ta tcabanera, ayik ke lenteka va tra epuyud. Bat cpogol tuyalestayan gan tceka kan kaba zo tenuker.



Abrotce ke Balaena megol tir vas 15 ik 20 metre. Bata megolinda kene lentefa krimta ke Atlantika welfa, kene Nunaata is Islanda is Svalbard is valente Norga. Kotyiele tan bat moukolap xeyer, pune varafa staba jontikedje vaon di blidar.







## Rozara ke aala

Moe abrotcafa is gurafa fargiexa tadleyena gu aaldrim titickayana koe sid, rentasik eloded da va granaf drim mal ontinafa aala tanamed. Va drim kan vizapa nyaped.

Moni -4000 AGJ-, werda is moekote aala va dalafi ki ke skandafo tawavo kereled. Aal ke gedrafa katca ( pailtapale is persa is wetinga is naviula ) va taneuga aultoveson tiskad, i va uga lolokiewon grunyofana gan ayik. Va katcalafa xeka dadir : genva is raporafa kufta.

Warzafa sanelia va tawamidura doon vanbured isen tukwayan bedakol vanpir dositik is pomasik, miledje ravalason va atelafa gestura isu vrodafa. Ayik loote vanpid nume va int titickad ; wale aala is bira, koe bravan debak wasarnan kan kufta is tey. Faytawad aze warolad ise va duskafa tawoldaxa asketcad kane va logedrafa voltaxa burmed. Gu sid va gerot ke mona kum inta dem raporaf titek delon kougad.

Banlizu, bak cadimany, katiclapison va wenza ik kuksa kan guema, ok illapison van grocela, gilonad ise do aryona ayikafo inkexo goled nume va intafa zida tumantad. Inta is bira tir klita ke lentef seltay : krabes tcabanesik al vanpid deksaf yambudik va inta is bagaliaf totasik.

Fure sinaf ugol zo vankotunar. Moni -3000 AGJ-, iyekotnyofara awir. Xeka is imizxa loeke tukeskotawed. Milugale, ugaf seltay va warzafa sizunta urlicker : moavafa roga isu iyekotafa is baynafe vage gedelon layeyene voxis spackafi tipokesiki isu basimas kurt arti baroya fentugalusa decitda koe Danmarka zo katrasiyid.

Titplekura va inta kan xeka ke Gelkef Raporugal.





Kandoara va termil male domega mea staper. Aytk mo birafa grocela golapid aze kan conyok dem sulgakirafi niskadafi soyaci onad. Ugol ke onasik dun zo tukiewar numen sin lolosumon arpumason lapid ise va kuluca ke bira kosmad.



Tcabanera va bedakol va runda ta vartera toz isker. Tawadaylk va jotaf govitol gralomber aze va sin gu blira koe karnizxo vangiltar, nume batkane dovoron dadir. Vansorkason gu empor, va sinafa trucuca empar. Batkane vikluyunon, bedakol va pokobara di rosopur.



Ugal ke alizmonik mea tir. Pemaxo ke tcabanesik, dem bagafa broca besayana gu almaza, al vanpir wida dem onasik is tawadaylk is aalaf yambudik. Drimafe intaxe tid kepaitakirafe gu korid. Kabay is almaza is vebdi moe grest turodawed. Aabre koe gadela vion burmewer. Tidi brinuga dotayasi va kuldoy moe vegungafa ewalama, abrotcafa guema suxayana vey drim ke pailtapale su zo ewalzer. Ayik loon is lokiewon estud. Acum sanelia laumar.

Granaf ulim ke klupa trumon zo narayar aze zo basgamayar aze kan raporafa simba fuxetolon zo gabeyer. Tey dekson tuoblian is vodjun va suxara va drim kan raporafa stuka tudrikar. Tandrimafa guema zegodafa is gamiafa toz tazukawer.







## Taneaf birameld

Aalgabesik is rentasik is wasarnasik is vartesik : warzaf tawadayik abdufison kev savsafa tcabanesikafa sanelia klantawed, otcisison va wivga is grigrustason va tcabanexo. Bane sane moe yastafa is zeitafa ra kevdlifud, i moe bira. Lent guema duskon nyofayana ke aalaf tawadayik, va bagaf witkot drikon rogriksean is roremburen emaved lize moeon balemoy ok aluboy ayik trabiangon tegid. Koe Aspeberget gee refa jowa ke Norga is Sverige, gretcaks keve pist va lan birameld nakilad. Elicuca ke bata toloya seltayinda va jontikman birameld ape nekiyir.


Mon san-aluboya gamiafa guema domadomon emavena me roliziwed ise gan bagaf totuk kum almaxa licekayana bene vemiz zo dilfud. Gemon liotayan is lodontinaf vamoe lavek num lokiewon nendan gu runta, bat totuk abrotcaf vas dile 10 metre,

tuke otsa zikayena gu tcabaneyen desperit, va fentunafa ora ludzed. Kev kalifa tiura ke batyon deksaf tcekasik, maytaf aalaf tawadayik kalion zo koarged.

Bak Yantugal ( wali -1800 lk -300 AGJ- ), intanyofara is totase ckane va ogera is tadlera va ageltucaf totatum rolapis moe bira noved : kazara va xeka is imizxa is riafa uga dum eriba kal soluma vas konake decemoye decitmetre zo voner numaze va joya ta losumafa gejafa brinuga fenkur. Koboda awisa moe skandaf siday va pirtapik gu aneyara va tufa arliz fure di vanplatid, kaik yastafa domega. Idjon ice goma lidam kaike bira, sin va joyeem ke Viking direkefa divlizera ixam egad.

Volnafa staba toz domined.





Bat pistaf gretcaks ( tictalteon is titroneon ) tid evlon gu iyekotugal. Tid amuzaf kene krimta male Skania ( vagee Sveriga ) kale lentefa otsa ke Skanda ( Hammerfest, gretcaks ke Leirbukt ). Va gedrapafa totukinda kaatoed, i va abrotcafa guema ok vemizkiraf witkot vageyen gu almaxa. Bat blpaf gretcaks va dimatoera ape milapafa gu ageltuca dum telyona vameoon zovdayana.



Wali -500 ik -300 AGJ- koplekura az vonera va azil noved da yambudik va imizxa is xeka di vankotunad. Aala va inta ta renta is birafa vevedura dene pradjacka aultoveson tiskar. Ulimap gar « kengabeyasik » re zo celkad.



Sulemafa almaxa ben rigotc turodaweteson zo divatced. Azon koe kolavara dem almuk ke persa zo socelatad aze kankum namulolafa furova ok megolaf sum zo sumapatad. Batkane almaxa gu lavok di tugilavawed nume guplaxaweted.

Vemiz ke witkot tir cewa kum kumpiinta ise, nendatanon gu lavok, gu punta ok megolaf sum zo plawukeyer, aze gu almaxa milkane tugadiayana zo « vager ». Intaki gu femafa leltafa refema pumayana gu lavok zo gluyedad. Weboka zo golicapad. Jaftolafa almaxa kan breltaf wazdelam femon tronkayan zo asadad. Batugale leltaf witkot ke Aran ewalatum grocelon ice eireafa krimta tid remblisaca ke bata lentefa totukinda.







## Vegedura va menuk

Tota idjon gu Viking seltay tir : gretcaks is balumaks is fideks is ezla va ina dun kaatoed. Tir dalafa olgalicusa lapiba ke blisik voxis warfok liz awalkik tori bocafa koyara zo senyar.


Ugale tukramara va kotunaca wali VI-eafa ik VIII-eafa decemda artfir, pune Viking divlizera zo tozur. Bam dene yone sane ke Europa is Lentefa Afrika is Asia is dace Amerika, taka ke munestiko tigisa bene tototsa ( gonaloysa va zolkaja moe grocela ), va akoyera is jontikviele maya nekid. Taneatomon, ayik gu treskara kene krimta va int mea kimad. Acum menuk tuke prantafa is bagafa vegedura is abduplatira kan detc ik lujoraf ital, voxis tuke opa is laouca ke totasik, va abrotcifa remlapira rodeskur. Jijacek ke remlapira va Atlantika welfa ape tiyir vas leon tanoy aksat.

Aultove ke inta ( persa is pailta ) koe Skanda is dadira va gedrafa azilafa xeka va kalifa vevedura tukuvad. Moe totafa pradja, rentasik va almukotaf azeb ksead, ben dreuk tis ladavakorafa rumna ceptayana bene gli. Almukot tantanon traozeson zo licekad. Aze kankum wixayana ruxafa fema zo ivinad. Bate tanuskafe ckane va malseotara va plaxafa cewa nek acagipisa is tudrikasa va tiura nover.

Remi baroya decemda, totiaxe ke lenteka va yona decitoya gejafa tota isu kazafa warzeyed, i va tota kristesa va belikafa vamoeuca tove kevelik. Batdume tire menuk di zavzayar leca ke olgalicura ke Viking saneik.

Toloy yambudik waganyes moe truj, va balumayana perakafa taka zikesa va tototsa licekad. Roneon yambudik va livoda ke gebelda kan suxasiki asketcar, i kan xeka dem tanoy remgabes imiz is toloy nubelt.





Gedelafa spura : bene ekwa ke menuk bene azilaf brbom gisks va toloy a.mukot, felaf yambudik koe lava va krilaf detcap robowetes va tota licekar. Cewotaf boweroy tigris lyan ice cewot, gan skandik isti XIV-eafa decemda karkion zo redutur.



Balumasik va tits,yaf kuboy kan sadja ten suxar, i va kuboy levconyatas va liziwera ke taka ke munestiko. Bato munestiko tir konolesik va vunda ke lenteka ; inaf eaftaf cuynaf talgeem va popo is zuguca pu kotmana biratota krister

Menuk gondar, kenginon gan gamiafa ekasta tioitena gan bireik. Viking totasik dem imizxa s prosil rundanyad. Prosil ben ironokaf almukot zo levrumkad. Abrotcaf vngoeem ( mon tol sana ) kum pailtegitna zo licekar. Birelik moe kold debanyad. Kot detcek asketcyan ta remplekura va vingo, va detcek riyutus bak totara moe grocela dadir. Norisk kum persa zo mader aze italap zo ticapter. Brinuga fu mallapir.







## Mona : xo lize blira tir kiewafa

Koe gola lize lidawicka tir figapafa, vegecura va V king mona zo trumapon ksear. Soye nta tir riwe tanaf ugot.

Kene bira ok drume aala, moneenm va wida tazukad, ton zovdanyayan kor. Moni 950, rulda ke danmarkafa wda koe Trelleborg tir ton ivamufe anambepe dem balemoy gabot. Kot gabot vas ba emoye donafe intaxe aname lujor ton istefa gobapa ruldar. Dive kelor ke anambe, mon san-aluboya milkafa mona ton vamuamu zo tuderayad. Tod elogara, bana mona zo jovied numazen irubasik kacim anambe gelbed.

Tazuk ke mona, abrotcafa vas mon bar-sanoye metre is mantafa vas mon anyustoye metre, va tota obar. Vegecuse ckane tid nuxapafe numen to mil yambudik kobaved. Koe mona, erod zavzar axaf. Renta vas cewot ke trovgayana tota vektar, gu toloy gerottum zo giskir.

ste donafa bontapa, raporafo teyxo va idul is burmera tiskar. Kene rebava, starkot besan gu myotxa ta debanyera is kenibera zo faver. Jadion nikoy va bontapa gu toloya ok baroya lokoekafa mawa solparsad


Sedme V king saneik tis birelik ik tawadayik, mona is teyxo tid vas zolonucapa. Banliz kaiki lapira ik kobara radimi abrotcipaf fentugal tatces va kota divlanira, saneik va sint valeon katrasid. Bam warzafo ervo is warzafa brinuga zo tugadiad. Kareizumbon va daref tawuk, d'ref gejik zo kotaved. Batkane tanuca ke staba zo dunur.

Koak ke tana monapa ke Trelleborg ize konaka yasa blid.







Feliaf rentasik va lag moe zovdom pu dositik pebur. Verniz ke mona zo ksear, geroteem is fonseem gu gerotek zo kougad. To miltan va tota vegedud : i deksaf rentasik vox.s donaf yambud k.



Gripwertayan empor dem gaboteyen gent.m ton delafa belcera zo licekad, Waledarka kankum ruxafa ok sulemafa fema zo uskud, i kankum fema kodororayana gu spedolaf ok meqolaf sum num tufebasa va gi avuca. Bata mona va tawadayikafa yasa di bravat.



Bate fe koe sidek gu sostas drim zo nendar. Tici fentugal, tor ko krepkayana no.da zo rundar : to taneaf « tutapan » warzeks tid nume bak idulafa rekola zo vided. Voxen kas oprak va gloyonara gu diraf fentugal noveter ?



Guto tid riabo. Ilava kum nta dem lentak rojun qan toloy kudaf sulem : taneaf kold tis fayak kum persaki is dem ixatcanya ; toleaf kold ceptayan is zikeyer ta vage is ingaxa ; muktu dem yantafa ivamuxa ; gum dem azilaf nugek kougau gu tawedaf sidek.

Suka ke grocela tid tizapafa kev danmarkafa krimta. Datafa kepaita kum pencolk ke bate donafe Intaxe vane s di omon besapar. Gan rebaveem is dadeon kougayan fonseem zo giskir, Anamefa lupaxa ton divefa brava batkane zo tad er. Bata mona tir dem abic remak isu gaelek kire gu tizaf sukacek gonacagur. Verotaf trink ke kepaita va totafi gli dere tiaver.







## Robeem ke bira

Kev lempol, tcabanes k nutid rabetaf. Alco ke bat moukol abrotcaf vas balemoye metre jontikviele tir vas tanoy decitor ok loon. Koe avok tir blif is ka iaf num meronarin. Va toloy abrotcaf vamoef myast titon otsakiraf dir, i va rojusa talgava. Voxen bat talgaveem ta ontinagira d v lava is viafa terigera koe sid da on pomar. To vula narana gan Viking ta baliera va govitol tir. Su em zo basalmar ise zo malgaber nume va atela is sum is lelt is wula di tiskar.


Lavok ke Balta b ra is North bira is Arktika welfa tir disaf Kotcadimon va gedrapaf rob pu sanelia tiskar, i va rob grumalsaveyen gan Viking saneik. Aultoves kabay ( baki is aaltuk is delaroy is tcoley is suspedo ) kan kando ok conyok ok dona zo ebidud. Tuke turodara az eipara, jontikedje videwed ise va kobligara bak abrotcifa brinuga moe bira di zanudac.

Biraf moukol ( megol is spedol is lempol ) kene kr mta ke Norga jontikote tid. Onkanon gan onasik is malplatnon van domega, zo tuyalestad aze kan imizxa zo tenuked. Megol va punta vas 1500 inoc is atela vas loon 2000 decitgrame rotiskar. Kum niskada is xudoga, xekama is zikexa zo epud. Voxison, kuldoy va karolana tuvaraxa tiskad solve vebdi is lezja ta irubara zo malsaved.

Bata savera va biraf kulaceem va tiki ke Viking saneik gu namyepesa bira ware tupoar. Va inafa karolara va gedrafa is milbavafa is galafa malestura dere tukuvar. Laniga is vundafa prantuca ke lentekik ape pakon tid vey bata gedrafa malestura solve ar ize pofa atela is rologansana zaipa va mibafa enja nekid.

Tcabanera va lempol, kan kaba is azilafa kufita.






Crakef is toamaf am ke Viking onasik is toabanetik. kando ta onara va kabayap tir dem alakirt noves va delafa nubeltara. Tir dem lyafa konisa otsa poon pizayana is tevoyi cuynafi so pakesi demi dem crakefa sulga tatcesa va grifunewera ke kabay. Balemoya kaba ok d'ima ekwon zo iwoteyed : zikexa ton gortam dem jebes azakaf fem koarugayan kan po koe gemamaf kuboy suxayan koe flava.



Ay kya va baki ben mebast kum inta ta turodara levrumkad. Tey ke paltapale ok brimuka ok kusafa inta va tipaf vkiz diveksoyed va vikiz tufakas va videra is ilplekus va valpok vanimpacken gan bedakoltum isti idulugal. Tueipara radimi turodara zo askitir.



Sum ke megal moe domega gilton zo lipur aze ko wida zo burer lize koe pwertafa azilafa gadela di zo jer. Sum tir toamaf ta burmera va blot voxis blotara s videra va atela voxis yambudafa masavera is gatcera va ik videra va leit.

Ayikya is rumeik va kuldoz diliodon warolad ise va gendiz kevu raporka kan azilafi demi griksantud. Koe muktukum inta dem azilafu vamupu zo zuvdad, i koe muktuk ke keltafa prostewa. Moe bira onas menuk fier, kandoason va kabayap ok pitcason va megal patiy n van domega.







## Glotcasik is moavanyofasik is gretcasik

Onya ke glotcasik dere tir klempa is yambaxaxo Kufta is sema is genva is abrotcafa ridjakirafa kaba is ırıga is gam af dug kene rebava zo emaveyed. Fe iaf glotcasik va tan dug dem tolgabes imiz is nubay gedelon iwoteyen kabdunedir.

Skapa ke Viking tamava va prosteweem vey iyekotugal is azılugal ,ontıkedje wanuyur ise voneyer. Batcoba tyir rotisa kiren Skanda don tulon Sveriga tir kulafa gu aultovesi vruni ke forkirapaf azil is drikafi gu savera.

Viking tawadayik to tuke azılafa kufta va aala kastayad ise va intafa dalafa taneuga malsaveyed, i va inta ta vegedura. Gejik ke lentexa dere to tuke az lafa imizxa va talteka levrotio.

Tison birelik ok gejik ok aalaf tawadayik, kot Viking sane k dere tir intaf yambudik. Wori lana exava tid aptafa, tulon telyona ke yantanyofara. Kota wida isu molt isu pemaxo va onya tu on digir lize azilnyofasik is intanyofasik keveon dokobad : mona is tota is edava is guto is imizxa is roga gan naf deksaf nubeem zo asketcad. Ostik ta dilgavanyofara ik moavanyofara, yambudik vanpir yambik iwotes va dugnubay is bergak is or lna dem esaf fum ton weboka is conya is ivoda. lode zikesa grupera va totuk is guto, balumasik is intagretcasik va sint tukevıad.

Atelonyik tid leon targaf vox vrebaf gu doda, tadleson va dreemacka, ise kan baga a is grupera va diotetca videsa va atela, va remblira ke sanelia ravaload.

Zolonafo xo ke Viking yambuduca : to glotcaxo tir. Isteon glotcasik va yanta myelgar ise perdoer. Roneon, toicesik va gabexa ke uul ke alakirtkirafa kaba keve gatcewa kum gemaf yoot witrumar.







E pasa onya. Aterony kye va atelakup celkar. Onyikya va pak l pur aze tugadiar. Pomasik ko persaf milunt devejaf gu kototara deraykar. Tanoya bada kum atela az tanoya bada kum eip : bat tciamaf eip koburen mal tanoya decitda mal kawaxo koe steffa Europa.



Jontika sama wan tid kum inta. Trocaday ta pinafa porma zo malsaver. Tawoldiasik kan teco anamuckesiko va xwey asketcar ise nubon gripwertar aze kan niskadafi tugasitaski tenuker. Trocadayxa lokalion zo epur voxo tir rantafa loon dam sama kum inta



To « grot » ke yambudaf ldotiasik va persaf koldap budeter, va prostewaf guto ke viking mona dere tiso ko d kototan moe menuk. Vamoef seroy va ldot ton budesa tirka is koak ton fenkuna tirka is nurgey tunuyan gu kendeem diwnedir.

Krafoliasik va ntanyofara ldam azilnyofara feliler. Bat yambudik koe coyunteem is uga eem kruldeyer. Roneon, ivamutuson va krafol kan abrotcafa icapa, aziafa nokexa tuckerayana is tugjayana gan warlara va yanta zo vanstar. Talteon tooy kobask va krafol tum ke edava licekad xeka ke yambudik tid ke xam wita ask, voxen kotraf krafol ke edava ordon tid Viking kerdelaf.







## Edava, lentekafa kildera

Stuvaf tawuk mo At antika zo egar. Viking okilik va yerumanikya is nazbeikye I krimiv volmiv divbulur. Gamiafa edava dem balemoy ivamuxakiraf krafol fu divburer, i edava tisa vey keltafa edava ke istefa Europa.

Viking moe lava gilapid voxise moe siday lanid. Ixam ambik moo siday kal Skanda gevon ik ronunon laniyd aze adre kereleyed

Koe lentefa coyunta, no da is opra tid ra remi pakap ke ilanacek Voxe va kaliafa lapira favenyenon noved. Sum on tcbanesik ta onkara va cpogol is bedakol va orespa vukuyud. Azon muja is impadimot awiyid, ise anote tyid kulon zikyeen wetce geltrafa yambaxa. Batinde tuke bata zalera gu fent, fentugal mea tir riojara va vieleafa blira is iafa koyara

Bak cadimany, impadimot ika edava zo isked, ika edava vegeduyuna gan rentasik is krafoias k. Tela lobagafa is okulafa gan toloy okol zo impad ise va korik is tciamafa muka iku xa moo dace kelda perdoepeyena gan bicacek kalion rembured. Duskafa is delaafa edava fereon impackana gan ayik va logamiaf vaj urlickeyen kan kazara ok elakera kazawad.

Viking va gedrafa bureba isu liziba mafelon grupendad. Kotviele kon lirik oku vakor kev menuk bide bost tig'id oken va woday gokaiklapid, pune tota zo rodjesid aze zo dimksead aze moe krafolma kum inta iku muja ok dace teca witoka zo rundad aze art konake decitmetre gan drig zo impad. Mecoba va Viking saneik zultun o galicuson abdufis azavzar.

Vabdue edava, koldap vas tuksa ruidar. Myotxa is baynaf moekap layeyen is asadayan ton mantaf nok va koyasik is okol di nendad. Impasa graiva bene malpa ke edava zo modemad isen ugoi ke oko ixam tir dem icaxa






Kaip al tir akenaf Menuk ke Viking brinuga tid dikaf ta remburera. Batdume ervokiraf gejik va gamiafa balemkrafolafa edava al kuclodad. Ina gan stoenik zo impar. Rone W.sia bost koe glupafa azeka ke Slava tamava, levetirik gralomeyen bal doaliera ok lusteyen bas arabaf dolekik ke Bagdad gindaxo va lozolonapaf is wentapaf doleks kaatoed.

Opramuja ( ticeon ) kum kng ke bulo zo ilbodeyer. Nuga kan leitafa refema zo iksantur. Titeon, tan mujakiraf impadimot kosmayan koe yu.pxo ke Oseberg. Yult cuison balumayan vas balemoyo munestiko keve gentimeem ruldar. Bat ronef trek ke tola ke oralay va runda ke sorka ke toloy okol bazecker.

Gijarotif wid va bost oblar. Deblamera bak fentugal co tir voldrikafa is wupesisa. Viking gejik va lirk anamelanid. Va menuk rodjesid, mo kova dem muja rundad numaze jupad da tota moo tapayas sld di kilded. Sin kaiku trumindakirafa widava gin totason lapitid.



Mujasik is impadimot moe tapayasa wawa van wida va sint poko-kilded ise gamdad. Abdumujeem ke impadimot tid kamadanaf num tukuvas va abdukildera. Larde bat impadimot tr ta kobara vols ingoyera, pune yult gu rigubakoraf fum pufon zo zkeyer







## Forteytiki

Yerumara tir lozolonafa pifa ke seltafa blira ke Viking saneik kiren forteytiki tid vamoefi gu kotari. Ostik ayikya krafiapana, va paskalera is kiewega ke intafa staba, pu yerumanikye is inafa staba vanburer. Batdume gorara me tir nuyafa ke tolonga. Kredeem ke vangluyara gan toloy gadikeem zo atatcer.


Retkye va intafa seltafa tirka kan yal tadles va teca lusteru va titsa yerumanikya gowazder. Tufeka loleon gotir milafa gu kottan nume va kona staba me di tuaxar. Kuranuca ke gadikye kottode anamsteger voxen nazbeikya dile lajuturestar. Neken waldafa rena sotir taneodafa kiblara ra.

Fiptara va vidia tir opelapafa : ttokenon gan o bewik ke toloya staba, yerumara kan myelga tisa migaf pilkovoy ke Thor lorik zo tujborur. Volson tcunke is kapa jontikedje jjad ; ekot is koltafa ulixa zo ce esipid

Jotafa yerumanikya den yasa ke yerumanikye irubar. Voxe va intaf yolt isu dikira va gadikafa staba vider. Tir felisik va mona nume va tselka ke oga is tela ke kold bene anamba sur. Va gedickin koak is jontik godjaf nazbeik mbi diner. Etorkura n von zo doster : Harald « dem listusuk » gazik va lerdoya yerumanikya dikiyir. Voxen ayikya drikon rosolyerumar. Battode va intafa tufa di vider. Milinde tod nyobruca. Numen tire warzafa yerumara va m lyasikye ( tu on kon arber k ) me tir riaca enide « staba va donafa ayikya di vider ».

Tits yerumanikeem va Viking okilik amtur, i va okik lica va dug lze keveon yerumasa vruza fu zo tiyar. Inya va lolistafa roga tisa flek dem n koyasa aka isu anambakenda. Inye va cuisaf dug dem leltaf dugak dem koarugayana yanta pluur.






Espusikye su zo plier. Dem siabeks kabdu mona ke gadikeem ke aguntanikya artanr : dem taka ke bonolap is deaxol. Kulupafa myotxa ke batakap rupol mu direfa yerumanikya zo balikeyer, voxis roga ruldasa koe kold fenkun gan zanisik. Weyuston, jotafa aguntanikya va stom ke mona divpakuder. Va aguntanikye ape me gruper : « Tokinde inye tir ? »

« Jora d lizeyer isen gazik tiyr enizakaf », ~ guazaf reiz pwader, l bwoy. Batize azega dem kabelcan velik bak vidias sielcek eninten gan savsafe « ziavikye » gn stabokik tir. Jotik tid moledjaf !

Kalafa koblira ! Gadikye tir daavapafe ise va pintik mo pikay ke mona mafelar. Migon pu tuwava olgafa s fentafa va in afoer. Ine titir tructaf gejik. Ede co tiyr mejesaf ok rabetaf, pune pu datcol lutces kal wida rotir zo jovier.



Tolonga va widokilik tcicen gan toloy pirdasik maiyetenon amtur. Gorestaf mulos kruider. Kot tolongik va famint kabdunedir. Ayikya kioxon vengar. Solyer.mara zo tuenar. Nekev waljoara, inya va kiewegeem videter.







## Ayikya va blira artazukar

Gropeem ke ayikya koe Viking cosxo tir abduxoaf kapbure arak ke Europa. Viking ayikya gan ayikye tarkon zo askiper ise wetce miltik zo krupter, moekote tode tir yerumanik is gadik, ise va zolonapafa blodaca ravalдар isen dace loon bak tawamidus cadimcek kotviele jontike ayikye me tigid kire ta brinuga mo grocela al mallapid ok ko siday al mallanid. Yontan me di dimlapid nume nyobruca tir nobaf sok. Batdume loa ayikya va tawa kobaved ike va levetrikum niv gaded. Ise lantode va nubema ik tra is tceka dace tiskid nume rozanied viele ant va mona sud.

Voxen sinaf ind dalon tir ebava is jontik lag : gestura is burmotara lize kolt is voja yestana koe aala is kuldoy tredun moe piluda ik raporka va pakap tadled ; oksif sopureem : sistara is biara is layera is fidera, lize blifa kseva is esaf fum zo karolapad

Coba zo dostecker da ayikya dum ayikye va kona gaderopafa dirgara roksuber ise va p lkot ik ralma ik tota rodigr. Jontik gradilik ke bwoy ( stuvafa dankapa ) tid ayikya dum *Auður djúpúðga Ketilsdóttir* ( Utcorapaf Audhur Ketilsdottir ) gazik. Lantanya tid arayakirapafa nume ezlopud ise va futhark sutewa gruconyukad, i va bulafa sutera ke Viking sane.

Prostewa gan to ayikya zo remzi id se zo dead, isen ina va yasa dunur ise va ebava sur. Dem inaf gamiaf tselkak bene anamba zikena gu siz. antasa roga bak joraviel, Viking saneikya tir korobik.

Rujda tir tana tadlexa koe Viking mona. Baynaf fem dem benefa digafa aldoxa keve xufa xuta zo kaatced. Poke yikya, pomasikya va bayna femur. Bata bayna di zo biar nume mu aryoni layki zo malsaveter.





Ekot ke mona tir kum abica bwrda. Bata ayikya va « björ » ekot batlize lad, i va ruyatkrapafa ekotinda karolana bal lorot is mlgafa fipta. Bata va bwird vanburer edje dure komimason va dri tukerayani kan tey, bana va plawa tuidular.



Bayna is frncada is breita : taneuga koe cosxo ke Viking sane jontik-ote tid. Batlize, abrotcafi layki atceni koe intaxuta gan bata yikya skudanon is oblion zo fider. Tuke rewara va anyustoya am dafa kseva is gesta ke bat yambikany, kulafa meidnaxila batkane zo dimjoad.

Viele ayikye moe grocela tigid, pune ayikya va komidura va taya viunsud. Dezarkad ise va olk faytawad ise warolad. Wori lodolgafa kobara gan qaden is eninten levetirix zo skud. Abdiwison va fiqaf is abrotcif fentugal, sinyu va sperela malsavetena ta tuidulara va mona kayestad. Tciamaf anteyarot tis warzeks ke viafa so ponawera ke ruxa, kan vurpa zo liksantur aze ton kuivapa zo wa gaber. Bata belon zo krepkad nume va rebavapa ta turodara abdi favera dace tazukad.



Nendana gan breitaf itak, bata tawadayikya va batak rundayan koe ulim ke pailtega vikized Va seabekafa cowega dem ladiva kotrafa gu kolt divnarid Kot zo kaanepayar kire banugale tir antafa Lga tubotasa va b-ot. Kolt ta ara va lavakolt dere zo malsaver.





## Puve ke vefara is jora

Belcon tigison is joruson, kota katecta tir kiewafa. Dalafa jora tid armoron gu cadim ik tawamidusa kobavera ik lapira moe bira I zu kuluca zo nekir : ba dulugalafa fralekoda viele kotcoba koe taya al zo tenur, s tici muvugal moida warolara al zo kobaplaxed isen tota al dimlap d, widafa sane ia ta sutera is dankara is orotara va int belcar. Ekot celeper isen kottan va rupa pwader, i va stuvanega kiren lo Viking saneik va dewitcopa gruteper se brupud.


Lentekik va alto gitrumapar isen uti va tipu is deasera be con yordapar. Vu tera is pujera bak dulugal, s orespura is fristura bak fentugal va graba is morbera voxis lyumaruti kid. Okolafa vultera dere zo grustad k ren okol dene Viking se t tir riwe loraf sulem ise zo odepeyer nume ta ingoy ik geja anton zo faver.

Fentugalon, viele afiz va a uboy ok tevoy bartiv anton jjar isen fent va zavzagira koe mona plataer, pune seltomomba va ugal plinon tiskid : regay is tcega voxis guya tcazedasa va gr va ke Viking saneik ta undera. Kiren kore ayik va altokafo po dalon ilamsisked, pune grustara va dofa blira is kota tegira, va katcalafa dizvesa ik soloksesa rotira dere divnedid.


Voxison, abrotcifa ezla axazena gan « skald » kareizusik va gesta kan or ke gejafa sega ke ambik tudulad. Bata ezla remplekuna gan ewafa prostewa va rundapa ke Viking araya kereled kiren sin va sutera unsud.ider ».

Tite meftava, widikeem ta kotgrupera va warzaf idulugal va nt belcar. Ayikye is ayikya is rumeik is guazik dankad ise stuted. Tawadayik jontikote vanvimad ise va rupa kotrafa gu bruca kareizud. Delaf a poz ke sanefa daava va bata jora malfir.





Vuteranya va delaf alterokaf dugeem ke diraf gejik llamsisker. Tookesik gu wasik balte morbed ; batcoba tir meropuskeni nek ke priara is warzafa vultera is lujafa kevudara ! Lyumaruti is pujera is lorespura va lujafa graba nekid.



Lovumeltafa nek iskesa deasera tir guya xantafa gu Farsa. Toloye milgkye debanyese koe iriba dem iwoteyena eliwa va sint doaled, kan pawageem dem muxackasa is brafa vola.



Viking totatum dimlapir. Menuk vajkiraf gu kulafa jwa koe wenza va int ekastad. Loklaafa ayikye ke staba zavzagiyise koe wida va artlakira ke tota kiavad, sukseson ko abrotcafa iyekotafa sokra. Kapa futoz fepoar.

« Skald » kareizusik dem kinga va rib egafa sega ke « jari » aliaf okilik ke menu kareizur. Va ilafa koyara ke batyon skandaf gradlik is kulafo baspexo ke Nunaata s aalapa ke Markland is ilt ke Vinand dankagar. Rumeik tid katerektas ise va aliuca kloked, lyumason is ceneson va munestiko ke welfa. Ugale int dere titid yaf az milgaf, pune moe bira di lapitid ise va olgaf zivotoccek lureskatad.





## Pereaviel : « viel ke tcaterapa »

Diskison va mantaf myotaf gomot is cuisaf baynaf aboz, Thorvald va gamiaf dug dem nubay kum woteyen iyekot dere diskir. Dere dositkye va mantafa se la gergayana bene epita kan iyekotafa ori na al kavager. Icde ayikya, lantanya lomorafa va tiskira va tciamafa roga ik gerga ik orilna ik skunderi me ikudad.


Viking saneik va altofa lavuca trumapar. Va int nobon g tcater, icle tantomon fuxe safta is lodamon pereavielon. Batcoba banugale tir cugunaykafa. Bak bat vel, va grita dere betar isen safteafa tcatera tir tana arientapa ke ebava dere dadisa va skofay is tcatexo keve dalafa vreda. Ayikye va divgabenyeyen nyoxeem isu lkast pluur, kiren batcoba tir sugda ke se taf is gejaft sok.

Vageeem belcon tir delvejaf gu tiskira is glabaf : arajda licayana bene mewaya ok rija is vamoeon kruja ok vamuf aboz ke ayikye. Abrotcaf rontaf gem is gratca ok gratcot is krinayafa nyonda ke ayikya. Fonta gu mantafa anamba ok leltafa refema zo tcalar. Aname nugeem, vaf baynaf vukuleem ok stazeem kum plaxaf lelt oku perfejuleem. Bal fiptaf viel, kottan koe lotsokaf lay dem kulaf is gedraf fum va int dualtar, i koe lay gin kan nouli ik gergaxa kotote tisa yambaxa.


Viking saneik tire tid feliaf rogop k. Tciamafa yanta lusteyena ledam gu neyena bal brinuga ton axigafa is esafa zikexa gemapon zo nyofad. Roga ta puve ke ita is ton tcala ke kuluca 's roti belcon zo diskid, gan ayikye lidam ayikya, aze koe naboxa di zo daykad. Dene Viking selt, beta favlafa muka oku fiptafa tid orka ta zikera.

Nudafa nakila koe Viking wid. Ayikya koe nuda pmlad edje okolaf staksakirik ampur da va mukot di artiakir. Thorvald tructaf okilik pu jotafe dositkye kotaver.





Ayikye dum ayikya va ribegafa roga balte p uur, i va lanyona faviapafa vox mafelon ingayana : nouli is gerga is anambakenda ; va aryona ta antafa ingara : orilna is flek ikz-. Konaka rogafa tula : moavafa orilna koe Homelund koe Danmarka ( ticetalteon ) is fexa kum moavayaf iyekot ( titeroneon ) koe yupxo koe Gotland ewala koe Sveriga.





Viking saneik albar da tir ton cuf ukast su nyoxeem. Batlize bate tawadayikye va lukast su mbi tipoker aze va abrotcaf nyoxeem kan iwota mbi divgaber. Olkoba gan gum dem megolaf sum zo koafir, i gan gum kseayan moe swa a kum mucugayan azi.

Koe bat varn, tana olkoba gu tcatexo zo artazukar. Granaf ekotap va gartonga zanudar. Xo gu kold kum inta s marwida is fideyen storn is gemon layeyen dualt gedelon zo senuyur.



Moe tcates azebap kum granafa inta, zanieson va dorora kum jaftolaf vidunt, tcatesikya va grita praqar ise baskretsar. Idulafa lava koe muktupu zo vanburer. Bata ayikya va vage mucur ise baslavar edje tcicesikya va grita ben wazdel sotceyen wa e toloya cirdata deraykar.

Pereavielon, moi kolavara, gemelt ke skofay git.r. Lava gu dri keron tuidulayani zo mogimar. Tlacasa ganta diveksoyewer, Kolavasik relandeweped, tulon kan gama ke cirdata storlayana gu tird nda.





## Malyerot : arienta ke kottan

Viking saneik va malyerotaca ik dace dardura albapar Lo jz va aklera wal yon vegungik is motcara cde konolera suled. Lozultafa is logrupena lazava va gaderopaf walzvak is altokafa tizuca tikid.

Mek malyerotebik ( alute k ok malyesik ) krulder. Koe Viking tamava, malyerot tir arienta ke kottan. Nuyik ton lizukafa koka ( *thing* ) va sint belcad. Golafa koka sperantason romalyed. Lodastirbafa toda pu vedeyafa koka zo bilded, dum islandafa *Aithing* koka bak tanea-tomon 930. Malyerotatik is malyerotatik va famint kabdunedid, d le odiason va rojura pu kon uiveaf strabik tis nik ke staba.

Temesik va restali gorewar, voxen batcoba tir me-fakafa. Loviele to zersa lumisasa va kida levgayana gan kosik tir. Gwiltaf djark krulder, icde vilara va vakol ok dubiera va vage ok dace xonukesira va ayik.

Valey vrayara tisa riapafa s ape alkakorafa, anafa tigara tir divmwara va gunik numen bantan is intaf kiewegeem gan kot artan zo rozilud. Divmwara va divstaksera nekir numen gunik va int gototar enide va tufa arliz di aneyar. Acum Eir'kr Þorvaldsson Rauði ( *Keraf Erik* ) va Nunaata kosmayar. Lantode, to lorik ikagorad : toloy temesik mo ewalama zo divtotad aze kali xonukera ke tan va motc grogad, i tan temesik dasugdan wetce gunik gan Odin. To « *holmganga* » tir.

Viking saneik va ayafa bagaliuca malaskipid nume va altokafa tigara is kostolera is kota plukerinda agied

Eir'kr Þorvaldsson Rauði bak 982 gu bartandafa divblira nope pisonara zo lanzar. Do yon dositik isu okol isu namulo isu bliga nendoyena koe kod, mo menukap va int kototar. Ageltucafa sopura ta boniara va warzaf siday talton.





Koboda wal bate toloye ayikye tiyir gojapafa. Toktan rotoveyer ? Proyapon, savsik va malyera pu Odin orik al djukurodiad. Dem antaf dug, keveik moe letafa ewalama va sint al liked ise kali xonukera al doalied. Awalt men titfiyir viele arti ubzesa toldoaliera, Odin malyerayar. Totuk va moblisik aneyar, va battan gweyen gan lopayun Viking lorik.

Debokason moe cag, nuyikyef prdot builtar. Sagafe nikye dem titefisa nyoxa va rojura va kordan k aulon kes va restali su atoer. Kas bantan gu kona zersapa fu zo lanzar ? Oke co zo divmwar nume gu divstaksera co d zo steger ?

Lanzara fereon niter dimempara va nekiyina kida. Xonukera ke ayikye kare ugafa drasura levkana gan yasikeem zo tenekar. Gunik va nyobrikya is gadikye gonostemokar.



Sanegafa vrayara va gesta pedrar. Battode vrayara va migafa is alkafa voda dikir lodame tir eaftafa is pamafa altofa tigara, Bat gejik va Valkyr lorikya ( nazbeikya ke Odin ) den Vik.ng kelt ke awalk.keem rotir kevfitir





## Ta bocafa koyara ko lorikafa tamava

Viking saneik folid da blira koe kaikafa tamava sotrenar lize mila tegira moe tawava dositon gu lorik zo ksured. Acum caxa gitr ton pilkovafa sizunta : ta bocafa koyara, awalk zo gorabander ise zo goxekar se dace zo godositir

Kulapaf V king saneikye isu saneikya koe menuk zo kotawayad, inde jontika rawopafa kosmara bildeyed. Te a logrupena tir yupxo ke Asa norgafa gazikya koe Vestfold, kosmayano bak 1904 koe tcarmapa koe Oseberg.

Tota il kr mta arte konake decitmetre zo rembureyer. Moo intadrim ka gupafa kela apton suxayana zo mpadimayar. Ba viel ke caxa, mam ke iyekotafa *carnyx* sokra isu *lur* va kranav ke blisik kiever. Alto ke gazikya is telo ke zan sika moe azeba ke menuk vanmiae kulupafa kwafa jwa zo seyed.

Gazafa naboxa gu vegeduksam kum inta azon zo besayar azen jontika tawa vamon zo zuvdayar nume va kesimi tazukayar ise va tcarma batkane tadleyer

Wori seitafa tota jontiktode zo viduyur oke opelaf raporaf emaveks tazukkoraf gu tota. Voxen kottode, awalkik do lotc amaf kiewegeem don vakol is okol is zanisik is di e yerumanik malfiyir. Kare sare is I zuk, awalkoda zo anteyayar oke zo kotawayar. Viele caxa moe grocela izukonayar, pune menuk zo teyar, pedrason va swava

Awalk tir darsaf dositik ke V king saneik. Stuvafa blira va in dun abdiegayar. Acum zolone tir malfira ton mevlardaf nubeem.

Kone gazikye ko caxafa mawa apton vegeduyuna kadime norisk ke kotawayana tota fu zo rundar. Kold is ilava is mpadimot is eda anamon zo deraykad. San-aluboy okol is balemoy vakol is toloy jaftol fu zo wetad





Tod dace lomorafa kotawara sime krimta, setikera va menuk mea trenar. Kas tota va awalk k kaik tamava to goremburer, oken setikera va menuk ke ilafa brinuga to tir ? Alto leve toarma dayked. Toarma gan anambe kum kougayana raporkapa dum raporey ke talteka zo nurojud. Bat emaveks tid tazukaf gu totuk dem walzafa eliwa. Toloy lodontinaf raporey va xo ke tototsa is totekwa tcaled.

Viking okilk bal brinuga keno krimta ke Labrador gola su awalker. Dositik va in do yono abdualbano ervo ko inaf menuk al sed Tota zo firder numaze ko lavok ke welfa fu griwir. Awalkik va Thor lorik isu Odin ta kotabafa doaliera kevfir.

Ton waneyeno alto bal olgafa lyumara dilizeyesa koe ronekaf rijustap, bat laspedaf gejik nope bakaks su zertur. Keneon kavageyenon gu lo istafe blucte is dug s tra dem tceka koe bocafa oga re dayker.





## Apkasi is olgali kusik

Europik tici to VIII-eafa decemda va danmarkik is norgik toz rungruped. Akoyesa keska tir riwe kotafa sen sanegafu nisu kalion adeer, calingeson va Viking relingasik ton oretlaf tısık. Ostık lentekik va moava is dilgava raweyapad nume kot iz kaaneyad, batdume va tcema loote digisa va manyona kulaca d lıfud : uja is moekote tucpastaxe koe Engla is tadava. sen larde to tucpastık is tujradık va izva suted, pune va eaftafa deltara va apkasik zovdad. Mali gıva icde sinafa artıpira, il s'n yated, divbureson va tumtkafa senteja. Tire jontık ecey gan remlapıra ke Viking apkasik zo duxayad

Radeya exulesa va kristevafa talteka gi'on vonewer k ren Viking gej k kaliapon liziwed Bad abica tanda mal slanda kal Andalucia is Italia al mayesid, vezuson ba kot mwugal is dineson va culiek is paxay, lolodilon katiclapison va bost is kuksa van idja ke tadava. Tulon bak IX-eafa decemda kabdu Paris va int tevon atoed.

Acagira va grustara jontikede respuyur kiren francaf okilik va yarlapafa dodera ta mal apira ke tolgenisik lodam lyumara abdu'albad. Ka kion widava va int migexayad nume Viking gejik adre non faspayad aze va lodi iafa skedara va lizukafa sane ia exoneyed Wori yolt ke normandik ik Viking jontikede dun tir vanyoltaf gu maya.

Viking geijk va Seine bost katidapid aze va Paris kodeblamed Bak tansaneaksat ke 885 RGJ-, parisik koe Cité ewala felina gan Saint-Étienne .ja al gelbed, Eudes biptik is Gozlin tujradik ke Saint-Germain-des Prés ecey va rojura ravaladal. Viking tolgenisik va « Zapa » kaglujasa va ewala gu ronefa domega gripon dildud ( taneaksat ke 886 ). Ba teve ke toleaksat, lan laumaycek va « Zama » kaglujasa va wid gu taltefa domega solbuer. Folk nendas va za re zo soster. Viking geijk dilduyud aze dirdeyed... neken Paris me di zo zonosteyer.





Ewalama grocelon ice jowa wale Engla is Skota. Kulafe Lindisfarne tucpastaxe va jwa bravar. Ba 08,06/793 RGJ Viking va int divtotad aze va tucpastaxe dem uja dem alnaf biot elaked. Va tueaftan tucpastik gralomed aze korodason d'vstad ise va moavafa fromta foltenayana gu aka isu tumtaf trig divbured. Viking ok lik va tumtagamda wetce ledungxa faver ! Bata folvafa zixa bimulon tongiyina gu kaatoeks va Viking olgaicura, koe uqalafa ugalda zo videyer.



Nuve lo 700 menuk dem ital deen gan taltufa suka, dem lo 40 000 ayik. Tire, ape tol sanon leon. Viking totatum va Seine bost walu Rouen wid olgalicuyun ba 25 e ke pereaksat ke 885 is Paris katidlapir. Vaneksatason va geikeem is okoem sunolar. Guineyena wida zo jovled kiren radeyasin tawadayik mo bria gebed lize gan olgal cusik ape me zo rokallan tid. Bata dila va kateg ra ke francaf jiom k jontikedje me nekud

Viking totasik va Mediterranea bira artlapid. Bak 844 va Sevilla olgalicud ise torsad ise firmed. Va Guadalquivir bost katidlapid aze va Cordoba elaked. Gijafa is sposafa mazjida zabduyuna bak 785 gan Abd er Rahman zo tirbur, i glupaf rontagentim dem pij giskin gan vokoda dem goatera va kerafa norka is batakafo raporka. Tan Viking gejik va Alkuran alkaneva su koikar, va karbapa dem moavafi buadesik. Dositik va baerdaf gum ke mazjida divnarir. Bat gum tid kum lut, voxen rotir fo ir da tid kum moava !






## Crakef gejik

Ervoeem tid lotciamafa kiewega ke gejik. Ervo tir to yambaxa idam lyumas gor. Imiz ke dugot mal lovele francafa ok germanafa coyunta eron ok voleron zo kobured aze gan Viking yambudik lizukon zo ziked ise gu kulupafa nubayotsa zo paasled. Volson kuftaga tir apton lentekaf warzeks. Vey aalkufta faven gan Viking aalgabes k ta wasarnara is malsavera va vegedusa inta, bata gamiafa is gijarotifa is crakefa imizxa va xonuka vanmia volnaf milk amuzer. Gabexa dum tpokesiki zo tucuyunayar ise tir kum perdoeyen azil kseayan bene ridjapa tiskasa va gijarotilca is el mUCA. Va ey batyona imizxa ta altofa doaliera, nubema tir ervo bocon roviduno is gitskino bene anamba ke gejikye ok berga ke ayikya.

Sumlon, Viking gejik kan trapa tcekad ise va gluba dem yantuul kabud. Lokulaf Viking gejik va ametc-grompa yarlon lusteyena ok konoleyemba dadid, ok va pertor s anamkaf prosil kum nta lingeyen is tupoayan gu istef lutaf ka kiak. Viking gejik, tiskis va feykorafa atsa anamplekusa va kapray is dem dile xedak tazukaf gu su'em ok noleem, tir crakeik godjaf is vligus va xonukera voxis kireptaf kire va toloyo ervo belcon cugon diskir. Tir ugdafamaf numen milk vunon is nugong sopud.

Divtotason gu kalief menuk, brinugapa kev kevelik zo gruster. Lok ke milk koe dampa roneon va int lospar. Gejik dem kaba koe bat nubok is prosil bene bana ma va dufusa benplekura ked Koe taneaf azent tan trucaf gejikum solpaketeson delfur. Sin nugonn lyumad Okol kad meon zo isked. Moe bria, ar gejik kalion tupoatason artlan-d.





Gamiáf dugnubay tid iwoteyen is zikayen dum roga. Va setema vox's kuluca ke digisik (talteon is roneon) vrutad. Variapafa ametcgrompa (isteon) qadanazbeon zo remzil d. Leitor (1) tir pertor ton asadayen maserk: tisa ametcgrompa (2) tir ton cualayan maserk jupasa va ofa acagira; voxen lobagaf pertor dere tid, i pertor ton leltafa pozla balemgentimon asadayana (3) ok «kralka ke kabay» (4).

Gedruca ke ervoeem, abrotcaf tolgabexaf dug is gluba is kabapa is gamiafa eaftafa ulimkufta vox's kuftaga, voxis rojuxa dum atsa is ametcgrompa is pertor is nimatak is prosil, skeyesa va emaveks keve amukot ke tota. Bak fipta Vking gejik va atsa dem iyekotaf zielt z keyen gu ralkxa is nola cu son tulivayana (titeon) gidiskir.





## Blira koe virutsa

Viking saneik tiyid donaf ta vegedura va sayakaxo belcon tiso folkay is virutsaxo is maluta ke zierdara. Tazuk ke batyono sayakaxo tir ivamuf kare lan azed rotis xantaf gu Bizantia. Sayakaxo kene kottode voa is jontiktode reca pravasa va toteem tigr. Vawale aludevaf kelor tadles va migexa rotisa vafa vas loon 15 metre is ontinafa vas 6 metre. Nukaf emacek tice bato granafo piexo tir. Sayakaxo ke Jomsborg recon ice Odra bost kene bira pakon tigiyr ise va bar-decemoya tota rotemudeyer.

Vawale anambe liz vemafa sanelia rogelber, pune kotcoba ta donafa blira is sayakafa tegira zo grustar : bligaf balikeks su bonolaf is okolxe is nyofaxo va ervo ik deblames tralt is vreda mu sayakik.

Bato sayakaxo icde azedera is vegedura nustapon zo grustad. Viking saneik tid deksaf vegeduropik. Folk leon buneyen dere tid, i ope afe raporafe anambe zanudase va katectafa nendasa truminda. Tan lor litaf folkay tir tel ke Danevirke tise gulaf madaks kum tawa tuzegodayan gu wankki, is ta tronon oblayas va Jutland dega, kru deyes mali toza ke IX-eafa decemda.

Ar lopinaf vegeduks koe Engla s Normanda zo kolnayad, merorelvana koinga ke olgalicura sopuyuna gan lentex k.

Sayakaxo ke Trelleborg moe danmarkafa Sjælland ewalapa va Storebælt vedi sur ise va vindara wale North bira isu Balta stujer. Tir ivamufo is nendano gu migexa jontolayano gu kelor, isen inaf zovdom tir kotunaf ton balemoyu amu dem balemoye livafe abrotcafe intaxepe lujorkoron tigise. Menuktum sunolar. Okollakisik su divtotad aze va sayakaxo kolakid lize va kaip daykad aze tildemeted ise va warzafa binuga egatad.





Viking gejik va sayakaxo kolnad. Taneafa kobara : konendera va furida. Ta batcoba : suxara va keior jontolan gu tawafa migexa .s tuzegodara kan vafu drimafu nuku, Xuf nuk ledabrotcaf va veyado ta ptcara is rojura exomed.



Dive pemaxo, sayakafa funtera tid nobafa. Darkapa ta funtera ke jotaf Viking gejik va trara tre tir adrafa. Mai soluma vas konaxe sanoye metre, tceka dem yantuul va pertor s ametcgrompa remrur.



To ugal ke tildera koe intaxepe dem walzaf eliweem. Tir mawa ke prostewafe sayakaxe. Mali mamlera va alom kan sokra, Vking gejik va jonkafa pilkafa adaera viunsur. va atsa dem iyekotaf vrugiz emiger. Aze kolavason va nugeem gricuer. Battan estudar edje palik va intaf dodeks ok kapki regayuson morbed. Donafa bilra va gotuskucapa ke gejiktum ravaldar.

Exulera ke yumas k. Radimi inkera va migexa, keskotuca zo gokarolar isen aspeduca ke jotaf gejik paketes va direfa zerdara Lujapaf kseidun k va krimpa ke kelor titvulted aze va drimafa migexa kougayana weti tanoya safta urped. Loklaaf gejik dem peya meexomeson vidgud. Ravera ke gejik gotir figafa





## Kazaf moltap

Viking totasik nope antafa albara va stuva me vanpiyid kosmasik va siday, vox voneteson va kazafa teg ra is aneyara va warzaf warzeks is redura va dolebela. Batdume valey yon gemaf gejaf menuk jontikviele fenkus va vawa, gamiafa kazatota vajkirafa gu kulaca lodam gejik lapid : knorr menukap.

Viking saneik tid laof totasik is pirtaf koyasik nume urlicketeson va doleks, meklabuson llapid, voxise va parloesik ke varafa Europa denon vanimpad. Batkane lentekafa skapa dalon tir kazafa. Tere va jwa s doleks is tal impavantad. Batdume wid ke Skanda voneweped eke « Viking » trogarn vas « glastik » enwe opelon rotir co sugdalar.

Hedeby wid belcon tir kazaf molt is igaeso sayakaxo ise va ontolafa gexata ke Viking tegira lecackar. Moi remlap ra va migexa aname kolom, tota dem mideme va domega rovodartlapid aze kan ayikaf meem zo basvajad. Doleks mo eda zo ezbad abdida va balikemb k koe wid d trasid.

Mal kot molt dere tis kazaxo, urlickeyena kulaca van idjunta zo ma bured. Batdume bat wid pilkkovon zo nendapad. Dene Viking sane, koe vo dum d vexo, gejik tir vrebaf gu dolekik eke sin jontiktode tid miltan. Batcoba tir tani neki ke sinafa kolura va tadaveem.

Molt ke Hedeby va yona sanoya tota mi-edje rotemudeyer. Truminda kum tawa dem drimafu nuku va wid is molt koanamar. Numay nendan gan yon rojus rasek tod dila rokobuder.





Moe m gexa, pitcasik va vansara va V king wid eninter. Vawaleon, vieleafa blira dilizer : aaltukonyikya va doleks milmur rumeik vefad, guazik prilad. Wale vawila besayana gu lanixo kum drima bulo vanmae dorita avlemodad. Tu ke pokeuca ke bira triguca va wid ke Skanda fakon kofir.



Knorr menuk tir gamiafa kazatota mantafa loon dam menukack ise va treskara yordar. Va gedrapaf doleks ta dafura va Izukaf moltam tir vajayan : toloy jafol ta midura, is tanoy okol ta ak.ra kekon widok lik, s milunt dem ekot ok vorak ke Gallia, is eyelt dem olk. Knorr menuk va divaf doleks kobureyen koo danmarkaf moltap ke Hedeby ko kon rintaf mo tam walmuner.



## Olgalicura va Talteka

Sinafe totase ckane is tegisa swava novel da Viking mo welfa stuvon lapiyid, 'lon loon dam bet europik abdion. Norgik tyid dalaf gradlik ke bat piratotaraf knd van Talteka. Ke bat stuvikeem, divblinik surteyen bal doalira ok divstakseyn gan malyerot va lopirtafi soli ta kaaneyara va warzafa tamava dafuyud.

Va ina koe Islanda taneon trasiyid. Kunoy boniasik wali 870 RGJ- isu 930 koirubayad nume va prostewafe bliracave ke Skanda kawarzeyed liz dile dimlapyid. Fure nisu koe ewala galbuwer da ar siday loroneon tigiyyid, i siday kozwiyn gan totasik monon impadimayan gan zivotc. Bak 982 Eiríkr Rauði divstakseyeni aremlapir.

Ke gejikye is ayikya is rumeik va tol-san-aluboya tota dem bonol is rentinta is gedraf arsay rundanyad. Arti wavgafa totasa lapira, san-aluboya ke bat totatum don tela ke Eiríkr Rauði va taltefa krimta ke Nunaata tere domud.

Wenzawenzon tcastason, Viking saneik va kotrafo frofaso boniaxo koe siday ke « kusafa winka » ( Grønland ) voneyed. Arti apica sanda, mon bar-decitoy totasik koeon di zavzoteyed.

Azon Leik Erikson nazbeikye az ape yontan radimion, va stuvapa grupeyed ise va Atlantika we fa remlapiyid. Newfoundland ewala zo artlapir isen inafa govitafa centa jupayar da gu « Vinland » ( Centaxo ) zo yoltayar. Kaikion yovara va inkera kene reca ke Saint-Laurent bost zo ask d lize Viking sane k gu amerindiik mordad ike doalied. Bata izvaxa munesteyena gan bwoy, gan rawopik tagelton a zo gruyed : abdi 1000 e ilana, Viking va Amerika tadava enwe kosmayad.

Sin kaaneyatason va warzaf siday talton mallapid. Okilik va vingo ke boweroy tigis vadimrone menuk acon gir edge dositik moe starka va detceem tegirad. Va kiraxo cugedje kenolapid vieli va kona luvedackafa omega trasid, i va Kusaf Siday ke Nunaata kosmayan gan Eiríkr Rauði.





Viking sanek ton ızukafa koka va sint kabelcad se va « *thing* » p rdot tazukad. Gej keem kabelcas koe Is anda va « *Althing* » tadled, i va teca cosafa koka belcon tisa puloda klapasa va mwa is erkey cotces va koboda Mali 930 RGJ- koe mil debak tite kinapa debokar,



Nendatason va fentafa is tizafa suka mal Arktika dun dusa, kepaita ke islandafa vanludevayana mona dem elegapakorafa rebava gu tawa zo besar... Lidawicka va manyona mona riwe levetawafa ton raporugalafa prostewa tlaver.



Viking totasik lent amerikafa tadava domuyud. Ko megrupena ana-meda... plabafa, rotr ! Va amerindik kakeveyed ise gu « *skroeling* » ( *mucunik* ) dayoltayad. Taneafa vuida : vegedura va ivamufu gelbeso pemaxo vawale nukupu poke Saint-Laurent bost.

Xelkara me tiyr slikafa. *Skroeling* amerindik va Viking pemaxo diltud. Va nuku bimulon vanmadayanu fakon urped. Bantan va raporafa kufta dem delaf nubelt vox s stuka diliodon zanadasa va midura plotted Va koto rotiso ervo faved voxen sino tid keskiskafo kev Viking az laf dugap is gamiafa kufta.



## Vawa van Roneka

Viking totasik don dalon sverigik ron Europa sayon al abdulpid az va Pokefa Roneka al artapid. Sidayafa vawa va manyon birelik me vudesiyir. Radimi remlapira va Ba ta bira, va tota moo siday tıcapıteyed ise impayad se va jontika rototana voapa impavantayad, don moekote Dnipro bost kal Tcerna bira is Vo ga bost kal Kaspı bira, arte loon tol-decitoye decitmetre male mallapıxo. Darpe abdulpira is rojusun va zalor, Viking koyasik va kazaxo is trumındayano pemaxo koinkeyed.

Bato inkexo va ageltuıafo skandafo sersaxo idjon ice Rossia kid : telo ke Novgorod isu Smolensk azu Kyiv tid Viking reduks. Nelkaf warzeks ikadıgın do lızukafa sanelia voxis do kevlapın yudık isu arabik isu turkik tid eso malbureno gu sumefa Roneka, is myotxa is levetrik. Viking parloesik va ava ke kazambik jontik-tode raved, voxe lantode va doleks lanlıze opelon daykad aze va galpen zilikeveks moe sid zovıdad aze trasıtson va kasaf z liduks kadımıon dımlapid.

Viking saneık, tuke g jarotıf grustaks, ko Bizantha va int dere koinkeyed ise va brınuga kal istefa Asia dace tras yıd. Valey zolonaf rawopaf zavzaks, sver gik dasugdan gu « Rus » gan patectolik va intaf yolt pu refa Rossia deayad, voxis konaka yoltega dum Igor is Vladım r.

Mali IX eafa decemda, slavafa azekapa vanpiyir yastaf patectoy ke sverigik dasugdan gu « Rus ». Impadımason va tota mal ban bost kal bat, Viking va voapa impavantad ise va kazaf gort is ageltuıafo kazaxo redud : telo ke Kyiv kene tana kenda ke Dnipro bost, felino gan Sofia Tumtikya uja, tir tano lozolonafı. Viking mordasik domud mılınde den int gilaskid Tire lano sverıgafo sersaxo tadleweyer.







Bagdad ! Batakafa widavapa ke Roneka. Keu ke islamevaxo, dem froxaf tuksuest is kulupaf lesosf storn... Yambudaf ribiegeem ke Roneka batize tigr, koe bato do exo : lutaf ok dalgavaf trig is lavatrig is azekol dem gretcayana ik gwetayana zikexa. Bata muka van Skanda bal dimlapira di zo mastad.



Abrotcafa teremta dem leso, mallakiyisa va Huang Ho bost az anamelakiyisa va Tarim kuksaxopo, va lindafa domega ke Ara bira tere artlakir. Wegdo, gamion vajayan gu lesosa is furota is grudedimwa ik baynaf tcalist gan tatarik dem myotaf gomap dem usize nendase va oblakeem. Viking dolekik al kakevetcur

Losumeon koe Geeka. Viking tota va Volga mal klita al artlap d. Va viaf is lamkaf bost kal artexo ko Kaspia bira katitlapid. Banize va Tatarik kakeved, i va yatnaf okolakisik ke rijust ke stefu Asia. Tatarik va balemkrafo afa eda eninted lize ayexa fikayena gu digava is awolba zo zuvdayad, i warzeks vanlizukeyen ma Sinia moo Vawa ke Leso.





## Waltadavafa kaza

Tuwavaf rob ke Skanda va kotcoba olegana pu sanelia loloon jontikafa me tiskad. Vor is yelada is moava is dilgava is lesa is levetrik arliz zo gonaneyad. Batdume kore V king saneik tid elakesik, pune dere tid laf kazasik.

Mal krimta ke Afrika kal Pokefa Roneka, is mal slanda kal Espana, kotlize mordara tir, Viking kazasik tid tigis. Va jontiko kazaxo niv redud, dum tulon Birka koe Sver ga rotir tso telo zolonafo ke sare pak X-eafa decemda. Warzeks kobureyen mal ekwa ke tamava moo siday ok bira banlize zo moorted inde gedruca ke yon tal ( tu on arabaf ) lizukon katrasiyin wazder

Viking kazasik va okol is myotxa is almaxa is nta is mizxa luxeon doled ise wetce zdunagesik va mordara wal roneka is talteka zanudad, i va tulon levetrikafa mordara.

Novgorod reduyun gan sverigik tir tano zolonafo kazaxo ke Rossia, ' xo ke kakevera ke dolek k ke talteka is roneka. Myotxa mordana ika lesoki ke Sinia gan bizantiik ( vamocon ), va dalafa muka ke fentugalafo kazaxo ke Novgorod tadled. Dualt ke Fr esa is francaf dug is centeda ke Rhein bost is levetrik dere zo mordad. Viking dolek k va jontika erba mbi tiskad.

Kaiki olgalicuse gejafe sare egayase va debala, Viking saneik va kazaf gort ke voneyed, i va gort pridusis va warzeks num ravaldayas remi X-eafa ik X-eafa decemda va cugunaykafa triguca ke Skanda Bata triguca gan aultove ke divef warzeks kosmayan moe tawavo zo slamer.

Fentugalafo kazaxo ke Novgorod kene Ilmen uzda.





Koe fentunaf noldot valente Europa, kametca dem korodayan levetirik abduhanir. Gralomeyan kene krimta ke Bata bira, pu isamevaf dolekik ke Bagdad ok Bizantia zo doleted. I dolekik bid doleksary, loon dam lay is myotxa. Voxe tokote kal dolexo artlanitid ?




Logedraf tal ko skandafa tamava varrustad ise va sumafa kazara vrutad : ereaf tal ( ticeon ) isu skandaf ( isteon ) isu moekote arabaf ( biteon ) Bak IX-eafa decemda, dilgavafo kawaxo ke gazaxo ke Cordoba va lentefa Europa molavad. Larde bat tal lamewed ike dile zo fortud, pune kare aldo zo ikaykad ise zo gila doad

Skandafa kolura van Roneka tiyr woesa leon dam amerikafa stuva vox loon nazbukafa. Moo Dnipro bost az Bosforos vedil, Viking totasik va Bizantia artlapid . widava felina gan Agia Sofia uja banugale tir tana lokulafa is losaneiakirafa ke tamava, isen ikazilira bid tegipisa. Viking dolekik isu gej k tori ugala va int koinked



Impadimot gu kulafa myotxa ke rupo aytayan koe fluvor ke Nunaata al zo vajad aze gan levetirik zo impad ise van menuk vion lapid. Gamiafa kazatota van wenza ke Norga fu kototar. Myotxa ke ewalapa valente Europa isu varone zo aotced.





## Levi warzaf firday

Radimi ugal ke stuva is zierdara, ugal ke inkera koe levrotiyino tawavo artfir. Tokdume Viking saneik mal Eirea ok Ukraina ok Franca co godimlapir tode lizukafa blira grustawer ise tuerodawer ? Banlize tir levrotisik num felisik solve va gubefa deba a koe vo katrasir. Batinde tawadayafa blira is tawamidusa kobara vas elakera is mordara radimifid. Sayakik kadad midusik ok debl taf kazasik.

Koe Engla lidam Franca ok Rossia, Viking tis pilkotik ke tayaxo vas vemik adre toz vektad. Skeda is nluca is yerumara az kurera zo webokad. Koe guazafa coyunta ke Talteka fereon botcena gan gaderopafa zadrera is aroti, bat warzaf irubasik va tegisa swava is grustas nuveem voxis malaskirapa va malyuca is roka vanbured. Moekote, minieson ok dulapon dewelduson va kristeva, okilik va dalafa lizukafa gjarotnaca tu ujabolk mu int nepaled. Rol on okilik koe Normanda bak 912, is Vlad mir sersadacik koe Kyiv bak 987 batinde askid.

Bantan dum Olaf ke Norga di tutumtar. Deweldura ke Rollon tir dro ke koflira va biptuca ke Rouen gan Charles II gazik ke Franca.

Opelafa malaskina mwa dum koe Skanda, va blira ke sanelia grustad ise jupad da Normanda di vanpir gola skapon trgafa is sayakon pofa is kristevon tulafa. Tukristevayan danmarkik va romanava raved isen tiki tove vo tuaxawed. Jewera ke savsaf galliaromik is francik is skandik kiewaskiwer eke bak 1066 Guillaume dacik tis veyik ke Rollon, va Engla olgalicir ise tugazawer aze va francava koplekur.

Normandik ke Guillaume Gasuik tu dacik ke Normanda, ko Engla va int a divtotad. Va englasaxik poke Hastings kevlakid. Ba 14-e ke saneaksat ke 1066, vanafizon, normandaf okollaksik va venta movulted liz va Sachsen gejik kantad. Volnaf sayakik jontikote tiyid maneke xonukesik licapason tigiyid numen aytanik va darka lubeteson me dadiyid. Guillaume nuxonukeyer nume va lark ke atsa golevmadar enide di zo pilkomodar.






Birastuvusik al vanpid tawadayik. Rojunon gan lamone ke Fa aise is Robert Cursik tu dack ke Normanda is jiomik, widik va vebaltara diliodon lomegad. Ralma veveduyuna titi XI-eafa decemda tice tcafi kesi ware kotron tir kum inta.



Normandik tid stropaf dolekik ise va Viking apkas gejus abdigadik koe tamava ikaplekuckud. Koe kuafa garia vagee Italia normandaf parloesik va centeda vas vimcek gan arabaf parloesik mbi firvir. Fure yon normandik ko Sicilia va int narmon koinketed.



Sedme ana ugalda ke 862-e ilana, slavik ke Dnipro bost va « kon sersik robowes is rostujes va maiyerot » djukukabeyed kire me rogilduyud. Batdume yon skandik ( Rus ) va int korubayad. Sersadacik ke Kyiv tid vey sin. Vladimir sersadacik va pirdot taneatr.

Idjon ice meftavaxo ke Norga dem intaxe kepartak rafe gu mikiyama kum nta, tujradik va Olaf Haraldsson Vik ng okilik ailker. Va bletap kum inta ivamudayan kum azil ika jumta faver. Tari ke wida ware zolkevafi, va fiptara tcocker numen ara deweldura di zo kid. Dum Clovis francik, Vik ng libuyun okilik va pos targuca ke gertikeem djukubelundad. Nekev gaderopafa tinera, Olaf vanpit r tlik is tumtik ke Norga.





## Vunda is lorik

Lentekaf lorikeem tir esaf is towasaf. Lorikeem moe Asgard irubad, i moe meftavapa tigisa idjon ice tame is milafa gu ellasaf Olimpos mefta. Ane lorikye tir Odin crakef gu ayikeem is belcon grupeaf is tizaf, yerumayan gu Frigg tis droleson listapaf is remtalas va kelt koe eda vansorkayana gu toloy karvol. Thor lorik ke edi tir lopokef gu ayikeem. Ploteson va myelga, belcon tir takrelaf is malyaf is vrabuckaf. Vinusta ke inafa kipera va varafe tame tuwielar. Nom ke lorikeem tici tamava sokitr «ren kot lorik va kruldesuca bam al jovleter. Keson, tite stoya ok 'zgon ice aaltum, ayik diveon atayed.

Azon kaiki awalkera, pokolera va Waihallu fuda zavzar, i va ge,ikafa fuda tigisa tice Asgard mefta dem alub-decem-balem-sanoy tuvel emudes va lotructaf gejik trumon narayan.

Alaakafa vunda ke lorik vas ilamkafa ezla artukon remplekuyuna mukad. Lan atcom dem futhark gretcaks va stogoyeks al vided. Batkane zolkevafa vundopa va ageltucafa yambaxa kareizuna gan « skald » ezlopik tu bunesik is dankasik pojas va targucapa nazbar.


Bata pukiskafa is ujiskafa alka dem geografa nek gojafa kerdela jupayar da Viking sane k tiyid emudeckes va divef foliks. Den int va atayeem banugale un dosted. Nope gaderopafa is se tafa lidam swavafa danda, darpeda va anyone sane ke Europa uzerayad, pune kristeva den sinaf selt kalion aduweyer. Batinde va pakap ke tanuskuca drasuyud numen Viking seltay kaliackon di girunkaweyer.

Odin lorik ke geja i gruuca va Viking lorikeem sofelir. Gejik va in vamoolakis va tamava moe merotazavzan okol dem anyustoya inya rogestid. Toloya razama ( Hugin : trak, is Munin : nami ) zemasa va ugal s tame va bat krijaf is forteyfamaf lorik fuzoded.





Tisik ke kakefa tamava va gexata ke brostasa is utcorafa ayikya fereon d.d. Viking xonukeyes moe meldxo zo narad ise gan Valkyrie lorikya emuded gan ketafa gejikya tigisa koe Walhalla kelt tis fuda ke gejikeem. Sina va snyono ervo bured ise va kotabakiraf lavakolt zanivad. Sedme Viking saneik, blira kaiki awa kera sotir listafa loon dam bli.




Thor lorikye ke edi, ranyes moe eda impadimana gan toloye namuolye, va raporafa myelga ploter. Va tamava kev gulk is « troll » zolka tisa degrikam ke aa.a is fent is tey is idatool nendar. To kumaskis s yastaf lorik tir.



Frigg yerumanikya ke Odin va utcoruca is corara va direkeugal doon pakar. Dere tir lorik ke rena, do to oy sagaf dositas karvol. Va moavafe pruve diskir. Diolafa ceakuca ke pruve tatcer da lorik tuguazawer. Frigg co tir taneafa Valkyrie lorikya.

Eltayeem ke futhark abava, dem taneon toi-san-balemoy olk gu. san tevoy moni 900 zo kastad. Staa tid opelapafa ton felisa xufa conyeta ise kan raporafa ok n skadafa sadja kev almuk ke cirdata ik ntaki ik atcom drikon zo gretcad Kalkotavara va taneaf atcom tir « Torsten va bata cugexa ta namira va Sven gadikye is Tove benkye griawiyise koe Elasa is Ingetora gadikya renzayar. Yber gretcayar ». Bareaf atcom kosmayan koe Gripsholm ( Sverige ) vas koyara ke Harald kappuredar, i ke lan sverigik awalkeyes koe arabafa coyunta.





Gadye, laninde, mejilon tir dofugik ke jinafa taneafa renara. Kre bristur, felbene da jinafa abditcuca laninde ok arinde tuacawer. Dun kivayar da ko nubeem ke ayikyaja co lubé. Tir valeaf grupeson da gan sintaikya zo rená. Anton astoleweter viele kosmatar da Marthe djusolkureter.

Gadya, ina, va cinafa skedegara lekuvon krafiar. Tir lickafa. Va Marthe kan iteem ke kevlik disuker. Krupter da Marthe tir volluntafe, mesonkeson da kota ayikya nope jinafa renara co sotir. Ostik loeke dam gadye va velark abdikerele. Destar da Marthe va int do pelfudik ke jinafa klaa rorotplekur. Ison, koe F- zo gaayar. Koe kotbata deorafa widava, vaxeda koe telyona dodelikafa, milafa skeura isu begardara sokernigud, liote dam koe winka. Voxen ison, vegunguca ke Paris va bet begard iku levaykara loeke tutestar. Kottan va intafa ema icdeon gogir. Acum, kire va fertikya dem sayakaf kurenik tikí, pune palik gransen gan dilintaf gadikeem abicabicon ilfid. Griawid ekekon : male taneon nazbeikye ke tegiv-sutesik, kale ironokon tele ke matelik. Gadya gan batyoni tegi zo duxar, i gan tegi nutisi brudira sedme jin. Krafiar da gan oviskikya zo gruspé. Cwe culimer da gadye va ina al razdar ise vol vofadar. Voxen malyedason da to gadye gotegir neke stivawer, ina amlitar.

Va kot mielcek dene Marthe tiskí. Ba sane bartiv is acku gilartlaní, aze ba alube ok teve gazdon mallaní. Va rebava mea vamoograblú. Va tuvel kan jinafa tselka fenkuckú ; voxen bata nuyalaca va vetcoyerapa ikadiner. Enide biota me di divmodar, pune va urifey gu kilta sielon anamplekú. Dimdenlanison, diregazdon deswá.

Deneon, metel va beta jinafa gracera vantrakur ; coba koe J- vol tir mila. Ixam konakedje, pilkotik is guazafa exoma kan kre itaja va jin krafiad, lowe dulzeson pu jinyona kiavara.

Gazdon, ba alube bartiv, vugeke loratason, dem perfejuleem bene nuba titlaní. Titeon kodiskí. Langazdon, koe fogelom va vrodbildesik gamdá. Va bor dem vrod bene nuba gir ; jin va perfejuleem. Ton eaftafa kicegara gazdakiavar. Marthe di zo tazdar. In kotliz koe J- fu vaon galbur. Gan jinafa kipeuca loeke zo naké. Va amlitara ke vrodbildesik efe rolusté, voxe agié kire me grunarté.

Bak kielcek, pu Marthe vaon vol rovekalí. Ostik, bata zixa tir mefavlafa kiren Marthe ixam tir rotplekuyune. Batcoba to jontikedje tir. Nisu va ine wetce fertik pu jin abdi geltruca ixam al yofter. Mekon al vofav. Fure afton wiv. Acum lanviele va Marthe poiskafe trasí. Pilkotik su kalir da mali balemka va jinafa mallanira ba gazda pitcar. Taneon vol al djuprofolir, voxe re mea iltrakur. Bata guazafa exoma dem mawa valeve tela ke Marthe va lorara mielon is afizon askina temer. Marthe zo nolyer, djumallanir. Me gorav da icde kakevetca loeke di xeyuv. Pestev



volrotaskis : soaks re tir sopuyun. Bam Marthe va konakcoba evodayasa toz gildar. Antafa enrenonana nikya, i jotaf sverigik, pu inyona twa mea dulzer. Al ravé da daalasik ke bat yik va cin dablus koe impadimak lanviele al kozwir nume al pirdar da ina va Marthe mea di wir.

Askí da Marthe abdiplekur da ede betlize ont dene gadikeem ont kev kurenik kona piza co dilizeter, pune ine acutur. Dratcera ke pilkotik is kotu nisu askid da va nura wal Marthe is Jacques kiva is belcon pokolé.

Marthe vosé da bak udorcek ke Jacques konakviele woratá, i ke Jacques ixam pulviyimb va jin. Vewá kire kiva da yordajatá ise va Marthe do beneon kaiktegise ayikye witi. Udorcek co tir santankaf. In rotir vurseter nume va mergil ta loa tolka trasitir. Askí da Marthe vogadar da pu jin vieleon suteter. Va barka ké aze laneteson va trasira va twa, den daykarafe piutexe laní. Balemoya ixam tigid. Voxen me rononari : va tanoy adraf pilkomaf valdig graci. Ti voltrabiangaf kire va jinafa koblirafa maza al rotavé, larde favera va daykarafe piute mali sananyustdafa klaa anton zo sonover. Keve kuk karaké, djukabuson va culo ko iteem ke piuteikya is djukonarison va tweem inon gin nek mezilitin. Tere, larde koe piutexe zo grupecké, pune ledamon seotá da tweem den jinaf gadikeem direvielon zo stakseter.

Fotce, vanpitison ayikye, va jontikcoba ware fu gonaskí. Fenkuson va taneafa twa ke Marthe, nué inde ine va batmana sega fu skur : i va sutera va renatwa. Al vulkú da mek twind tir leon wavdaf : ant rena sotir adrafa. Krupté da kota twa ke Marthe tir mafelafa is bagaliafa gu telyona lolistafa twa ixam beliyina. Neken Marthe va unaykaca pu jin koeon kalir, is va rejdera ke blira sume jin.

Destá da jinafa lickuca me tir loeke bugdasa. Va Jacques wetce « kurenik » toz krafiá. Va inafa jotuca ilgrupé, va ine wetce guazik wí.

Pu Marthe me suté ; slika arpuma skre tid. Sopron tí kalackaf kire me gosuté, satoleson dum lente beta warzaca va klubafa kivara da me co rodefaskí isen jinafa twa va ine co lemisted ike co nutid opelkafa.

Jinafa frayera askir da arti tolka, iskedayason va tana twa ke Marthe moe azega, ina al griawir ; moe azega direvielon gin tigrir. Kosmara va bata twa va jinyon azed funer : va udorcek ke Jacques is jinyon tigris bartivap al impavantá enide va intikeem kobuivé da gu Marthe va int iliksantú. Kiren, beka taneon al sipoyú enide gadikeem raver da va fertik dikí, pune toz djumé da va lea wazdera dadir. Isen gadye va ageltucafa lazava ke jinafa proyuca to raver.

Va bati tci impavantá nume den zovdas cultim gin laní ; kiren, va lebaka vey Marthe malipon zovdá. Me grupé kase gadye diepiller ; icle va tankomuca ke jinyona tezikya rovon destar, kan bask tukerawes va jin. Batdume den Grande-Chaumiére gin laní, kobapá, katanatason va konak remgudaks tori ark ke retanda, i va eksa tuwarzatana ba direfa worara ke kurenik.

Dere va René gin wí, i René divdenayane gu Henri-IV olda. Ine va Louis-le-Grand re nobar. Kotsielon banliz aneyá. Va sint palseson nobav, kiren mali inafa divoldara gu Henri-IV is mali moekote Marthe, inaf gadikeem gelkeon torigis va jin gu tulanya, va jinafa dositara al zuker.

René torigir da rena koe rena tir tervasa tuksa nume va jin gu ske mu Marthe krander. Tabison va inyon vord, nyukon kalí da va enrenanik ae me dikí. Inafa mafelara va jin gelkeon tuaxaweyesa vere laumar.

Moe rena ke Marthe toz komodé. To getinesira va jinaf pesteem tir cugeke olyastera va jin. Jinafa ziadgera tir to tela ke klawusik a klawa, ok ke vikizasik a ruseta.

René va jinafa takra nuler, neke va yikya al duxiber ise reniskon forenar. Bata kafa sulemya, i latkaf espanik, va int iltazukar eke ape tir ke riva. René nujidewarur neke tir lickapafe. Kipeson is belcon tuzwaweson voser enide gu abigaca di zaná. Bata zanara, sedme bettan grupes va olda, tir ordafa rieta ke oldik. Djugruper kase battanya fu ortar. Batdume vofatason va ina gonabdugá.

Bata zanara va jin funer. Jinafa vazuca dimon tir cugafa. Voxen ika mecoba co djunuvelá vazaf, azen bexe bata weltikya va jin al grifuner. Va jin wilupon al abdugar eke jinafa vazuca gitatcesa va lancoba vox givebasa va arcoba levweyonar da va René is Marthe tarká. Icle djupopuvedé, voxe ti bro vikizasik giltis va tanoya sugduka. Kle anton sidjé da va René al ortá, beka al vogá da inafa fertya va kota abdugara dun beldar.

Tove Marthe, va meka sidjera satolé. Godefaskí. Kore unt kalí da vol ixeté ede co zo ortatá, pune vol lajupaskí. « Batcoba tir amidafa », va int skalé, ton katcalafa entuca sodulzena gan ketsuca. Milinde, dostecké da pu Marthe me suté, voxen ede ine pu jin me co suter, pune co krafíá da me renar. Neken, bata mesagacama va jinafa rena al laumasir.

Jacques va mecoba ke tila ke kurenik vangruper. Marthe, gitise kanespafe, va in me vanpulvir. Ede in erur : « Tokcoba tijir ? », pune ine gidulzer : « Mecoba ».

Grangier W<sup>ya</sup> va kimtaf Jacques konakviele nyaler. Gu volobliuca tove nazbeya kagar, ireglir da va ina al dozilir. Va laizafa betawera ke anda ke nazbeya gu bata volobliuca gar. Va dimon ina den int djuvedgober. Jacques xaar. Arti konak viel kaiki inafa artlapira, va Marthe den inafa gadikya dositar. Bantelya va inafa beta rintara derber nume va inafa rena mu jin mesonkeson bristur. Marthe koe bato yasaxo al koblir. Pu Jacques kalir da kota muka va kalaf ugal kimbar, ugale tiyir ke int. Koe intafa sardafa mawa gokeniber. Jacques va inkera va ilava mu int icle djumer. Nogladeonesir. Marthe vewar da bata ketafa mawa di zo kifur.

Grangier W<sup>ye</sup> torigir da bata werkaca tid solovafa. Grangier W<sup>ya</sup> impavantar nume pu kurenik is arnazbeikye da va ayikyafa gedeluca vol gildad. Zo derber da gloga ke nazbeya va Jacques abicote pasur. Kiren kotcoba deswana bas kurenik gan Marthe, pune Grangier W<sup>ya</sup> pu int gar, krupteson da inafa wegayera tid lugodafa. Mana ae tid, voxe mu jin.

Lanviele Marthe nuruyakoleper, pune djukudivlanir. Jacques grupecker da batcoba volto ta puvegura va dositara. Marthe va twa ta jinafe mane pu kontel me rotodiar, batdume ko kon piuteak miv plekur.

Va intafa amlitara ware loeke wauné, kire ede co rosuté, pune gu pwadera va inyona raplekuna nakera, mu kosik co maltegí. Dile gan intafa rotura zo kovudá ; arviele unt kalí da Marthe va Jacques gu gomilara estenseter, i gu inafa griketara abdi jin. Voxen larde ske cugeke sotupestakar, pune sopron wivé da gomesuté numen Marthe va Jacques wan piksesir.

In metakrelaf dimmallapir.

Kottel va nyatesa antiuca ke blira ke Marthe gu bata deona koridar. Kiren inaf gadikeem isu kurenik ant tid megrupes va cinafa skedegara ; nope tarkara va tantazukot, pilkotik va Jacques



me rovegivad. Grangier W<sup>ya</sup> ixam wiver da va nazbeya katrasir isen ina dum abdi kurera fu blir. Acum Grangier gadikeem vol gildar viele Marthe, ba direviel moi mallapira ke Jacques, dokter da koe J- gire fu soker.

Bak mil viel va ine gin wí. Taneon tulwon buzegá kiren ine al tir ikorapafe. Voxen viele va taneafa twa ke Jacques belí, pune ve radeyé. In kalir da va xonukera co malhalenyer ede Marthe mea co renar.

Va itura me dimaotcé. Fogetí blodaf gu awalkera, vulkuson da al galpé. Loeke tumerogildanawé ise tuvolmalyawé. Betliz rwodev, pune kon bakaks nediwer. Kore Marthe dun kalir da vode va pokolera ke Jacques mea derbev nume tiv leeke volayaf, pune to jin vebá da zijnon di dulzer. To jin va yona antafa krenugafa twa inon kazawatana pu inafa kurenya dukalí. Marthe astoleson suter, boreson, voxen dratcé da mevielu woratá ede me vegecker. Jinafa sidjera zo tuaxar kire megrupeson Jacques va intyona antafa daava gu jin danur.

Oye pokolera div kota inafa twa dulzesa pu telyona cinafa, wí eke inafa djuksesa tir enwelmafa.

Va intafa tila tove kimtaf Jacques mafelá, solve nope ketsuca tegí, is vol djupopatasan va gomil bene jiluca.

Kalafa rekola va piza radimifir. Kaxe, pestalera va abdaruca lapter. Tir vey jinafa klaa is jinafa etseriuca. Tí kuranaf ta mecoba, mei ta otcera il Marthe rotir ilgrupetese va jin num dimon kofitise va goni, mei ta platira va Jacques ko xonuka. Numen cinafa tanuca tir stopre dili, i stopre dimlapira ke ervolia. Ede in va kurenik co aloyatar, battode ine do jin co zavzagitir. Ede in co kevsutur, bantode pestalé da va ine poason vol co rodedimnarití. Cinafa kaluca tir bixeberma. Voxen batlize, larde krayta milbartivon sometir, pune pokolé da cugeke gaveon tichitir.

Re, to Jacques mempen va Marthe gu inafa gadikya kevrojur, i gu gadikya mevaleafa gu gire sokera koe J-. Ison bati tegi do lana eeftuca va abica uculera dene Grangier W-ya al divmodar. Arcoba nutir tubizafa : Marthe va kwik vol djukudikir, biliton gu intafa yasa is ware loon tela ke argadikeem. Voxen va tokcoba gadikeem is argadikeem kev Jacques co rotaskid ?i kev Jacques vanpiyis vangluyanik tuke yona lazava jinon zilina kan Marthe.

To bam J- va ine toz viltar. Pilkotikeem dikuon puon mea pulvir. Metel kiavar. Ant dafusik nope eba tid leon krumtaf. Acum, dile godedokalisson, Marthe koe kona dolta vangaver. Viele dene ine tigí, ede ta lusterava va vrod ik lupa gracer aze arti aluboya wexa dim mona men tigrir, pune gestá da leve lundek senyer nume va vayniaxe ok zomxadolta kalvulté. Va ine banlize prilase do tilikya trasí. Ziadges kir nogladeoneyes, perlé batvielu diveon ve tigiv. Buntú da ine tir dem zugiafa griva, da va mempera koe prilara do dafusik trasir. Kot bantan gritrenayan gu pulvira va jin ilkader.

**Oretlik koe alto**, ke Raymond Radiguet ( 7<sup>-eafa</sup> zixa ; diza titisa koe diref otuk )

Oretlik koe alto : berpot (1923) ke Raymond Radiguet francaf suterotik  
*Xanto : Le Diable au corps* francavon, kalkotavayano gan Laurent Lermigny, 2017.  
 Dotay : Kotavaxak dem Suterot.

Robelin banliz : <https://fr.scribd.com/document/358060704/Oretlik-koe-Alto-ke-Raymond-Radiguet>





## DEAXIPOL

### ORDAF DEAXIPOL

*Budorcas taxicolor*

**Veem :** Artiodactyla

**Yasa :** Bovidae

**Lum :** upene vas 1 ik 1,3 m-

**Aldo :** 230 ik 350 kg-

**Talgeem :** 32 talga

**Nazbarugal :** pereaksat ik anyusteaksat

**Ocagugal :** 8 aksat

**Occek :** 1

**Ikralukruca :** 2 tanda icde

deaxipolya ; 4-5 tanda icde -olye

**Blirugal :** 15 ik 20 tanda

Deaxipol tir werdtoraf dunol gamion rentakiraf, dem alnafa is folkafa brucka, is dem abdue- inieem abrotcaf loon dam radime- inieem. Sulemye is sulemya va val noleem sodid, i va nola mantafa gu levak is divon livamafa kimbamasa va tela ke ayadol. Mialukafe abrotce ke nola tir vas mon 60 cm-.

Baroya grupena apta ke deaxipol krulded. Assam deaxipol va sizuntapas ksefaf gem dir. Koe Assam gola is Nepala is Butana blir, onlineon ice 2500 ik 4000 m- koe aala ok gola dem vafu amnaxo. Sichuan deaxipol koe bata siniafa gola koe vafu dielupaxo isu diuzxc blir lize gjarotifa renta is vaf im- noved da rodekolanir. Shenxi deaxipol va bata meftavafa gola ke Sinia nobar.

Deaxipol vanmiaie milkavapa dem yon decemoy govitof blir. Va yona gedrafa ruxinda malestur : webek is toa is geilt is werdruxa idulugalon ; vox dalon diuze fent- ugalon. Bak noldacekap ok olgai fentugal, van kusackaf krant vwon ice mon 2000 m- gititlanir lize lidawickafa gropa tir loeke zeitafa. In va ekamaf ruxeem albar lize va binkacka fetar. Bak fedacek ke viel oxam malestur.

Nazbarugal bak pereaksat tozuwer ugate milgikye va milkava dem deaxipolya is oceem vanlanid. Ocagugal remi mon anyustoy aksat jjar azen oc bak bareaksat ik balemeaksat koblid.



▼ Deaxipol is rivol (*Naemorhedus*) is rivol (*Capricornis*) koe Himalaya rodega moe yone amidafe online.




▲ Deaxipol va elp albapar.

▲ Deaxipol (*Budorcas taxicolor*) tir gamion rentakiraf dunol dem pwertaf is prantaf krizeem. Moe arestafa krimpa ke meftava vas 2000 ik 3000 m- ke ontnie blir vox ke 4000 m- idulugalon dile tidlanir. Inafa flava va liziwera vanmiaio danca is amnaxo me funier. Deaxipol tir tuzapaf sulem.



◀ Deaxipol va mantaf is prantaf krizeem is gijaf badjeem dir.



◀ Katcaxo ke deaxipol (*Budorcas taxicolor*)



# DEAXOL

## MARKHOR DEAXOL

*Capra falconeri*

**Veem :** *Artiodactyla*

**Yasa :** *Bovidae*

**Lum :** upene vas 0.85 ik 1.0 m- ke deaxolye ; -olya tir lodomafa

**Aldo :** 80 ik 100 kg- ke deaxolye ; 40 ik 45 kg- ke -olya

**Talgeem :** 32 talga

**Nazbarugal :** santoleaksat

**Ocagugal :** 6 aksat

**Occek :** 2

**Ikrallukruca :** 2 tanda ke deaxolya ; 4-5 tanda ke -olye

**Bliruga :** 15 ik 20 tanda

**Markhor deaxol** tir tec prantaf deaxelol mafelaf gu cuisaf gem ke deaxolye. Fentugalon, bat gem tir abrotcaf is vaf keve ge is ast is berga is vatite eliweem. Lukast dere tir abrotcapaf. Lum ke cug-unaykaf noleem rotir vas cugon 1.6 m- ; kota nola sotir derdakorafa ; ota ke derdeem tir gedrafa kare apta. Tazuk ke nola gubeon tir vekoraf ok ukoraf.

**Markhor deaxol** koe meftava ke istefa Asia, male Uzbeka kale Barata blir. Inafo irubaxo tir gedrapafo, vome kima ke aala. Va arestafa krimpa is titsuyaf ecor is gurafa raporka is bist albar. Va kota ruxinda ( werd is webek is toa is jotafa anga is geilt ) malestur. Koe lanyona gola ( Kashmir ), nite ke fentugalafa malestusa vertuma dalon tir dem toa ke persu dace ontinapon rotebiduna. **Markhor deaxol** en tir gruticumanyas numen ticumason beno drim va gama tigisa arte 7 ik 8 m- vamo sid rodevangir.

Seltafa grustara va **Markhor deaxol** tir milafa dam tela ke aryona deaxolinda. Neken milkava sye tir lopinafa, dem cugon tolsanoy olkik. Bak kwanterugal, deaxolye va deaxolyatum kevlanir azen lan ardil zo inker. Kwantese deaxolye poka wasiesa sulemya zavzagir ise nesatason va lanyona pilkovafa anda vanikatcur.

► **Markhor deaxol** ( *Capra falconeri* ) sotir tela logijafa govitafa deaxolinda. Noleem tir derdakoraf aname lya bro griaretlasiki icde lanyona apta. Dum jontikar deaxoldunol, rotorigit da kruldera tir griawisa kiren inafo katcaxo en tir tcastapafo is roldanafo.



▼ Katcaxo ke **Markhor deaxol** vas meftavaxo koe Turkestana is Afgana is Pakistana is lentefa Barata ruldar.





## TELIZ

2<sup>e</sup> bu : Sareon gu Viking sane

48<sup>e</sup> bu : Oretlik koe alto, berpot

54<sup>e</sup> bu : Deaxipol

55<sup>e</sup> bu : Markhor deaxol

56<sup>e</sup> bu : Kuda ke Aisopos

## Kotavusa virda

Virda kotavon sanelayana, nuyon is faston romalvajana is rorubiana is rotanamzilina. Ickriluyon rokeem. PAG / DE.

Internetxo : [www.europalingua.eu/KotavusaVirda](http://www.europalingua.eu/KotavusaVirda)

Bu : [www.europalingua.eu/KotavusaVirda/19-e\\_otuk\\_05-2024](http://www.europalingua.eu/KotavusaVirda/19-e_otuk_05-2024)

Sanegara : Alubeaksat ke 2024. 17<sup>e</sup> otuk.

Yunkexa is ewava : ewaveem abugaf gu roka ok nuyon rotamuzen ok rictayan gan digisik.

## LIWOMBURA

Tula va liwa ke lana ombaliwa watson gu alto. Konaka gokosmana peryasafa ombaliwa.

Xantaza :

<https://kotava1837481.wordpress.com/2018/08/26/7-familles-en-kotava/>

3

Loma  
AWALKEXIK

NUYUCA



**Homa Darabi**  
(1940-1994)

**Homa Darabi** tir iranaf rumeopaf is swavopaf selaropik sayudas va rokeem ke ayikya.

Plabaf gu torkafa vertuma ke Reza Pahlavi gazik, va Artowara ke 1979 kuvon emuder. Voxe kadimion va kugdara ke warzaf alkaf felisik va Irana toz levgar, tulon va movebara va diskira va islamevaf italk. Ba 1990 zo divkotlar. Ba 21/02/1994 moe tariapasa Tajrish viga koe Tehran, Homa Darabi va diskin italk sollipar aze va int tayvikear, iegason : « Va xonuka ta kalstegera !! Blirapa ta nuyuca !! Irana blir !! »



Vasil Makux - Nhât Chi Mai - Homa Darabi -  
Jan Palach - Bobby Sands - Mohamed Bouazizi

## Cigavol is yona wilya

Cigavol, grupeyes da akolafa wilya koe yofraxa tigiyyid, va int gu kurmik efur, aze, divbureson va exavaf goreem, kallanir. Lente kolna, erur inde vid : « Vickitiv, ~ dulzed, ~ ede batlizu mallanil. »

Batinde pestorik ko xialara ke ikorik nekev kota inafa vanklara va teluca gogildar.

Kuda ke Aisopos, -VI<sup>oata</sup> decemda ( kalkotavaks gan Yurani Andergan )

